


# Bibel fa Kjinja

brinj't junt



## De Kjennich David (1. Poat)



Jeschräwen von: Edward Hughes  
Jemolt von: Lazarus; Alastair Paterson  
Toom Pauss jestalt von: Ruth Klassen  
Äwasat von: Ed Zacharias  
Hääjestalt von: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2022 Bible for Children, Inc.

Jesazlich: Du doascht dise Jeschicht oppnämen ooda drekjen,  
soo lang aus du dee nich vekjafst.

Aus een junga Maun must David wajchranen. De  
Kjennich Saul wull am doot haben. Nu läwd David met  
400 Mana enne Wiltnis, en eene Heel. Saul siene  
Soldoten kjeemen eenjemol dichtbie, oba David jinkj  
von eene Städ no  
de aundre.




Eent von Saul siene Deena, dee heet Doeg, vetald däm Kjennich von de Priesta; dee hauden David jeholpen wajchkomen. Saul säd de Priesta sullen doot jemoakt. Kjeen aundra wull daut doonen, oba Doeg deed daut. Hee muak 85 Priesta un äare Famieljes doot. Daut wia waut sea schljachtet.




3

Eenmol aus Saul no David socht, jinkj hee en de Heel nenn, wua David un siene Mana wieren. Saul wia auleen.



4


David haud kunt Saul doot moaken, oba hee kroop dichtbie un schneet eene Akj von Saul siene Kjeeda auf. Aus Saul wajch jegonen wia,



roopt David am: "Doamet daut ekj von diene Kjeeda aufjeschnäden hab, un hab die nuscht jedonen, saust du weeten daut ekj nuscht beeset well un hab nich jäjjen die jeplont."


5

De Kjennich Saul säd am wia daut schod daut hee David haud wult jriepen. Dan oba, met de Tiet, kjeem Saul sien Oaja wada trigj. Hee saumeld 3000 Mana toom David ombrinjen. Eene Nacht jinjen David un sien Frint Abischai mank de Soldoten aus dee aula schleepen, bat dichtbie Saul.



6

Abischai säd, "Gott haft die vondoag dienen Fient en diene Henj jejäfft. Lot mie am hia aune Ieed naunspalden met mien Spiess. Tweemol wudd ekj am nich stääkjen brucken."



7

David leet daut nich. Hee neem Saul sien Spiess un siene Kruck un jinkj trigj. Lota roopt David no Saul von opp dän nääkjsten Boajch. Saul sach wada daut David am haud kunt doot moaken, un deed daut nich. Wada säd Saul am wia daut schod daut hee David nojejoacht haud. Oba David wist hee kunn sikj nich opp Saul sien Wuat veloten.




8

De Profeet Samuel, dee ea Saul un uk David enjesaulwd haud daut see wudden Kjennich woaren, wia aul jestorwen. Nu aus de Filista met Israel Kjrlich muaken deed Saul waut, waut Gott veboden haud.



9

Hee velangd daut eene Fru Samuel roopen sull von mank de Doodes. Dan kjrieech Saul eene Norecht.



10

"De Har haft die veloten un es dien Fient geworden. De Har haft daut Rikj von die jenomen un haft dien Noba, David, daut jejäft. Morjen woaren du un diene Säns met mie sennen. De HAR woat de israelitische Armee en de Filista äare Macht jäwen." Aus Saul daut hieed, schord hee en Angst toop.




11

En däm Kjrlich musten de Israeliten von de Filista ranen. De Filista schluagen Saul siene Säns doot, soogoa Jonatan, David sien gooda Frint.



12

Saul kjrieech Wunden von dee waut Feilen met Boages schooten. Dan säd hee to sienen Schilt-droaga, "Nemm dien Schwieet un stääkj mie doamet, soo daut dise schljachte Mana mie nich stääkjen un dan äaren Spos moaken äwa mie." Oba de Schilt-droaga enjst daut un deed daut nich. Dan neem Saul sien Schwieet un schmeet sikj doa nopp.



13

De Filista fungen Saul un siene Säns; see hongen de Doodes an de Waunt von eene israelitische Staut. Waut browe Mana von Israel jinjen un holden dise Doodes, vebrenden un begrowden dee en Israel. Aus David hieed woo schljacht Israel daut en dee Schlacht jegonen haud, trudad un hield hee äwa Saul un Jonatan un däm Harn sien Volkj. Hee eet nuscht bat Owent.



14

Ieescht haud Saul prooft David doot to moaken, oba David ieed Saul, Gott sien jesaulwden, gauns bat enj. Dan ieed Gott David un muak am dän Kjennich en Saul siene Städ.



15

## De Kjennich David (1. Poat)

Eene Jeschicht von en daut Wuat Gottes, de Bibel

finjt eena en

1. Samuel 24 - 31, 2. Samuel 1 - 2

"Wan dien Wuat openboat woat, jeft daut Licht." Psalm 119:130

16

Daut Enj

20



60

17

Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schljachtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmell! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.

Wan du dit jleewen kaust, dan saj to Gott: Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu nieet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

18